

公照勘明白果有冤枉即與辯理罪坐原問  
官吏若是無冤枉理詞妄訴擬拾原問官吏  
原問充軍者發極邊衛分充軍原問爲民者  
發邊衛爲民如此則紀綱振肅而賄濫知懼  
誣詞不行人免連累矣  
前件有犯擬拾原問官吏者原問充軍發極邊  
充軍原問爲民發口外爲民

侵盜賑濟倉糧口爲民

成化四年 月 日戶部該漕運總兵巡撫等官赴  
京議事將成化四年僨運糧儲合行事宜并各官所  
言事件會同各部都察院太子少保兼兵部尚書白  
等題次日奉

聖旨禁革誑騙及收比粮作弊并禁奸弊這三件还准他每  
說地方事該部另行具奏定奪其餘都准議欽此欽  
遵擬合通行

計開

欽差巡撫河南都察院左副都御史王 奏開事件

里書侵剋賑濟口外爲民官吏枉法滿貫充  
軍

一革奸弊洪惟

朝廷憫念小民之意無所不至恐其饑饉流離故

命有司設立倉糧預備賑濟恐倉廩空虛又

命有司多方措置凡可以取糧之策無不舉行奈收糧之際  
有司官吏多不用心里老書手夤緣求作弊貧  
難缺食者人情未至不與報名殷實得過者  
賄賂一通就便開支亦有將在逃人口報作  
見在冒支入已者亦有令馬夫皂隸開支糧  
賣分用者亦有通同看倉人等侵盜揮和沙  
土放支者致使小民不得實惠徒勞

朝廷憫念之意往往事發止照常例發落納米擺站等發  
落是以奸頑玩揭無所忌憚如蒙乞

勅該部計議合無出榜禁約今後放支賑濟官吏里老書手  
人等敢有是前取受財物侵盜倉糧者不分

贓數多少俱發口外爲民官吏枉法滿貫

者仍照舊例充軍如此則法令昭明而奸頑

知懼

恩澤流通而貧民得生矣

前件有犯者宜從巡撫巡按禁革申究隔別問

理如虛發遠充軍